

ATTAVITSOQ

INATSIARTUNI

UKA2023/24

04-10-2023

Knud Mathiasen

Kommunit Namminersorlutillu Oqartussat missingersuutaat naatsorsuutaallu pillugit

Inatsisartut inatsisaata allanngortinneqarnissaa pillugu Inatsisartut inatsisaat

(Aningaasaqarnermut, Naligiissitaanermut, Aatsitassanut, Inatsisillu Atuutsinneqarnerannut Naalakkersuisoq)

Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaat imaattumik oqaaseqarfigissavara:

Inatsit sunaangaluartorluunniit naassaanngitsumik atuutsineqarneq ajorpoq aamma siunertaq malillugu inatsit naleqqussarneqartuutaavoq, taamaattumik pissusissamisoorluinnarpoq inatsit piviusunut naapertuunnerusussanngorlugi naleqqussarneqarmat. Tassami inatsit kommuninut Namminersorlutillu Oqartussanut pingaaruteqarpoq.

Suliap saqqummiunneqarnerani pisortat aningaasartuutaasa qanoq annertutigisumik qaffariarsinnaanerat killilerneqartoq oqaatigineqarpoq. Isumaqarpunga taama siunniussaqaarneq ajunngitsuusoq, tassami ukiorpassuannngulersuni pingaartumik allaffissornermut aningaasartuutit apparsarneqarnissaat eqqartorneqartuaraluarput, kisiannili ajoraluurtumik aningaasartuutit taamaattut qaffakkaluttuinnarsimapput.

Allaammi kommunerujussuit pilersinneqarnerannut atatillugu isumaqartoqaraluarpoq allaffissornikkut aningaasartuutit minnerulissasut, kisianni aamma taama pisoqanngilaq.

Isumaqarpunga taarsigassarsiat naatsorsuutinut missingersuutinullu ilaanngunneqartariaqartut, tassami taarsigassarsiat utertillugit akilerneqarsimappata akilerneqarsimannippataluunniit naatsorsuutini missingersuusiormilulu takuneqarsinnaanerat pingaaruteqarluinnarsoringakku.

Inuit ataasiakkaat, suliffeqarfii, aningaasaateqarfik, naalagaaffiit akunnerani suliniaqatigiiffiit, aningaasaateqarfii il.il. kommuninut namminersorlutilluunniit oqartussanut sanaartornermut il.il.

ATTAVIITSOQ INATSISARTUNI

tapiissuteqarsinnaanerinit tunngatillugu immikkut piunasaqaatinik il.il. erseqqissaasoqarnissaa piunasaara, naak taakku naatsorsuutinit ilanngunneqannginnissaat oqaatigineqaraluartoq, tassami siuliani oqareernittuut aningaasat qanorluunniit pissarsiarineqarsimappata naatsorsuutinit missingersuusiormilu ilaatinneqarnissaat pisariaqarmat.

Aamma isumaqarpunga kommunit Namminersorlutilluunniit Oqartussani aningaasaateqarfimmut aningaasanik nuussinerit atuinerillu tamarmik immikkut nalunaarsorneqartariaqartut, soorlu assersuutigalugu sanaartornermut naatsorsuutit sanaartorerup naammassinerani kommunimut Namminersorlutilluunniit Oqartussanut tunniunneqarsimanissaannik piunasaqartoqartarmat.

Kommunit sanaartornermut ineriartortitsinermullu aningaasanik nunatta avataaniik atorniarsinnaanerit immikkut piunasaqaasiinikkut Naalakkersuisuniit akuersissuteqarnissamik qinnuteqaqaanngikkaluarlutik kommunip ukiumut aningaasat kaaviiartitai sinnersimangippagit atorniarsinnaasaariaqarput, taamaattorli Naalakkersuisut ilisimatinneqarnissaat piunasaqaataatillugu.

Naggataatigut kommunalbestyrelsit qaqugukkut kingusinnerpaamik naatsorsuutiminnik akuersisimanissaannut killiliussamik atulersitsisoqarnissaa siunnersuutigineqarmat pissusissamisoortutut isigaara.

Taama oqaaseqarlunga siunnersuutip aappassaanneerineqannginnerani Inatsisartut Aningaasaqarnermut Akileraartarnermullu Ataatsimiititaliaani sukumiinerusumik oqaluuserineqarnissaa inassutingaara.